

# CYNGOR SIR YNYS MÔN

## Cofnodion y cyfarfod a gynhaliwyd ar 14 Mai 2015

- YN BRESENNOL:** Y Cynghorydd Jim Evans (Cadeirydd)  
Y Cynghorydd R. G. Parry, OBE (Is-Gadeirydd)
- Y Cynghorwyr Lewis Davies, Richard Dew, Ann Griffith, John Griffith, Derlwyn Hughes, Kenneth Hughes, Trefor Ll. Hughes, Vaughan Hughes, W. T. Hughes, Llinos M. Huws, Aled M. Jones, Carwyn Jones, G. O. Jones, H. Eifion Jones, Raymond Jones, Richard Owain Jones, R. Llewelyn Jones, R. Meirion Jones, Alun Mummery, Dylan Rees, J. Arwel Roberts, Peter Rogers, Alwyn Rowlands, Dafydd Rhys Thomas, Ieuan Williams
- WRTH LAW:** Prif Weithredwr  
Cyfarwyddwr Dysgu Gydol Oes /Darpar Brif Weithredwr  
Cyfarwyddwr Cymuned  
Pennaeth Busnes y Cyngor /Swyddog Monitro  
Pennaeth y Gwasanaethau Democraidd  
Swyddog Pwyllgor (ATH)
- YMDDIHEURIADAU:** Y Cynghorwyr Victor Hughes, Nicola Roberts

---

### 1. CADEIRYDD

#### **Penderfynwyd ethol y Cynghorydd Jim Evans yn Gadeirydd y Cyngor Sir am 2015/16.**

Wrth dderbyn yr anrhydedd o gael ei benodi, rhoes y Cynghorydd Jim Evans sicrwydd i'r Cyngor y byddai'n ceisio cyflawni ei ddyletswyddau fel Cadeirydd hyd orau ei allu a diolchodd i'w ragflaenydd yn y swydd honno, sef y Cynghorydd Vaughan Hughes am y modd urddasol y bu iddo gyflawni ei ddyletswyddau dinesig yn ystod ei dymor fel Cadeirydd y Cyngor. Achubodd y Cynghorydd Evans hefyd ar y cyfle i ddiolch i Mr R. P. Jones, y Prif Weithredwr, am ei arweiniad a'i gyngor doeth yn y rôl honno a dymunodd yn dda iddo am ei ymddeoliad ddiwedd Mai 2015.

Diolchodd y Cyn-Gadeirydd, y Cynghorydd Vaughan Hughes, i'r holl Aelodau a Swyddogion am eu cefnogaeth yn ystod ei dymor yn y swydd a dywedodd mai anrhydedd aruthrol ac amhrisiadwy oedd cael bod yn bennaeth dinesig Ynys Môn. Rhoes y Cynghorydd Hughes grynodedb o uchafbwyntiau ei flwyddyn fel Cadeirydd y Cyngor gan gynnwys codi £3,700 ar gyfer achosion da. Dymunodd y Cynghorydd Hughes yntau ymddeoliad hapus i Mr R. P. Jones a diolchodd iddo am ei wasanaeth maith ac anrhydeddus i Ynys Môn.

## **2. IS-GADEIRYDD**

### **Penderfynwyd ethol y Cynghorydd R. G. Parry, OBE yn Is-Gadeirydd y Cyngor Sir am 2015/16.**

Diolchodd y Cynghorydd R. G. Parry, OBE i'w gyd-Aelodau am yr anrhydedd a dywedodd ei fod yn edrych ymlaen at weithio gyda'r Cadeirydd a'i gefnogi yn ei ddyletswyddau yn ystod y flwyddyn i ddod.

## **3. DERBYN UNRHYW GYHOEDDIADAU GAN Y CADEIRYDD, ARWEINYDD Y CYNGOR NEU'R PRIF WEITHREDWR.**

Cydnabu Mr Richard Parry Jones, y Prif Weithredwr, y teyrngedau caredig a dalwyd iddo gan y Cadeirydd newydd a chan Aelodau'r Cyngor yn ystod y cyfarfod o'r Cyngor a gynhaliwyd y bore hwnnw a dywedodd ei fod yn gwerthfawrogi caredigrwydd a didwylledd y teimladau a fynegwyd. Soniodd Mr Jones am hanes ei gyswllt personol ef gydag Ynys Môn a diolchodd i'r Cadeirydd a oedd yn ymddeol am ei flwyddyn o wasanaeth lle bu'n llysgennad effeithiol ar gyfer Cyngor Sir Ynys Môn. Dymunodd yn dda i'r Cynghorydd Jim Evans ar gyfer y flwyddyn i ddod, yr un modd, Arweinydd y Cyngor. Dywedodd ei fod yn gobeithio ei fod yn gadael y Cyngor mewn sefyllfa gryfach a chadarnach a bod modd priodoli llwyddiant hynny i ymdrechion Aelodau'r Cyngor. Yn ogystal, cydnabu Mr Jones y cyfraniad a wnaed gan staff y Cyngor sy'n haeddu canmoliaeth a pharch. Cyfeiriodd at y cyfleon unigryw sy'n wynebu Ynys Môn ynghyd â'r risgiau a all ddod gyda hynny a phwysleisiodd bwysigrwydd gwerthfawrogi a gwarchod cyfoeth yr Ynys o dreftadaeth a sicrhau bod unrhyw newidiadau yn cael eu gwneud er budd trigolion yr Ynys. Dymunodd yn dda iawn i'r Cyngor am y dyfodol a dywedodd y byddai'n parhau i ddilyn ei hynt a'i helynt gyda diddordeb.

## **4. DATGANIAD O DDIDDORDEB**

Ni chafwyd yr un datganiad o ddiddordeb.

## **5. DIRPRWYAETH GAN YR AELOD/AELODAETH Y PWYLLGOR GWAITH**

Yn unol â Pharagraff 4.1.1.2 y Cyfansoddiad, enwodd yr Arweinydd yr isod fel yr Aelodau yr oedd wedi eu dewis i wasanaethu ar y Pwyllgor Gwaith ynghyd â'u cyfrifoldebau Portffolio –

Y Cynghorydd Richard Dew a fydd yn gyfrifol am y Portffolio Cynllunio a'r Amgylchedd

Y Cynghorydd Kenneth Hughes a fydd yn gyfrifol am y Portffolio Addysg

Y Cynghorydd Aled Morris Jones a fydd yn gyfrifol am y Portffolio Tai a Gwasanaethau Cymdeithasol

Y Cynghorydd H. Eifion Jones a fydd yn gyfrifol am y Portffolio Cyllid

Y Cynghorydd J. Arwel Roberts a fydd yn gyfrifol am y Portffolio Priffyrdd, Eiddo a Rheoli Gwastraff

Y Cynghorydd Alwyn Rowlands a fydd yn gyfrifol am y Portffolio Busnes y Cyngor, Trawsnewid Perfformiad ac Adnoddau Dynol

Y Cyngorydd Ieuan Williams (Arweinydd) a fydd yn gyfrifol am y Portffolio Datblygu Economaidd, Hamdden a Thwristiaeth

**6. ETHOL CADEIRYDD Y PWYLLGOR GWASANAETHAU DEMOCRATAIDD AM 2015-16**

Yn unol â Pharagraff 3.4.12.3, penderfynwyd ethol y Cyngorydd Vaughan Hughes yn Gadeirydd y Pwyllgor Gwasanaethau Democrataidd am 2015/16.

**7. CADARNHAU'R CYNLLUN DIRPRWYO**

Penderfynwyd cadarnhau'r rhan honno o'r Cynllun Dirprwyo sydd, yn ôl y cyfansoddiad, yn fater i'r Cyngor gytuno arno fel y pennir yn Rhan 3.2 y Cyfansoddiad.

**8. CYDBWYSEDD GWLEIDYDDOL**

Cyflwynwyd i'w ystyried - adroddiad gan y Pennaeth Gwasanaethau Democrataidd a oedd yn adolygu trefniadau cydbwysedd gwleidyddol y Cyngor.

**Penderfynwyd –**

- Cadarnhau'r trefniadau cydbwysedd gwleidyddol a nifer y seddau a ddyrannwyd i bob un o'r grwpiau yn unol â Deddf Llywodraeth Leol a Thai 1989, a nifer y seddau a roddir yn ôl arferiad i'r Aelodau hynny nad yw cydbwysedd gwleidyddol yn berthnasol iddynt fel a nodir yn y matrices a oedd ynghlwm wrth yr adroddiad.
- Yn amodol ar yr uchod, cadarnhau bod y seddau a ddyrennir i Aelodau nad ydynt yn rhan o unrhyw grŵp yn parhau ar sail y penodiadau cyfredol.
- Bod yr Arweinyddion Grwpiau yn rhoi gwybod i'r Pennaeth Gwasanaethau Democrataidd cyn gynted ag sy'n bosibl os bydd unrhyw newidiadau i Aelodau y Grwpiau ar Bwyllgorau.

**9. CYNLLUN CYDNABYDDIAETH ARIANNOL 2015-16**

Cyflwynwyd i'w ystyried - adroddiad y Pennaeth Gwasanaethau Democrataidd ar y cynllun cydnabyddiaeth ariannol i Aelodau yn 2015/16.

**Penderfynwyd -**

- Cadarnhau dyrannu Uwch Gyflogau ar gyfer y rheini sydd yn dal swyddi yn 2015/16 fel sydd wedi ei nodi ym mharagraff 2.19 uchod.
- Cadarnhau y dylid talu ar sail lefel C fel y penderfynir gan y Panel Cydnabyddiaeth Ariannol ar gyfer swyddi Pennaeth Dinesig a Dirprwy Bennaeth Dinesig, gan gymryd y baich gwaith a'r cyfrifioldebau a ragwelir i ystyriaeth (paragraff 2.7).
- Nodi bod y Pwyllgor Gwasanaethau Democrataidd yn ei gyfarfod ar 25 Mawrth 2015 wedi penderfynu y dylid rhoi sylw i'r gofyniad i adolygu lefel y cymorth a roddir i aelodau i gyflawni eu dyletswyddau fel rhan o'r rhaglen waith ar gyfer 2015/16.

- **Nodi manylion eraill ynghylch taliadau a lwfansau ar gyfer 2014 /15 a bennwyd gan y Panel ac a amlinellir yn yr adroddiad hwn.**

## **10. CYRFF ALLANOL**

Cyflwynwyd i'w ystyried – adroddiad y Pennaeth Gwasanaethau Democraidd yn gofyn am gadarnhau'r rhestr o benodiadau a wnaed i gyrff allanol.

Rhodddwyd gwybod i'r Cyngor for y Cynghorydd R. G. Parry, OBE am gynrychioli'r Cyngor ar Grŵp mynediad Ynys Môn yn lle'r Cynghorydd Ann Griffith (rhif 14 ar y rhestr).

**Penderfynwyd cadarnhau'r penodiadau fel y manylwyd arnynt yn y rhestr a gyflwynwyd ar yr amod fod enw'r Cynghorydd R. G. Parry, OBE yn cael ei gynnwys fel cynrychiolydd y Cyngor ar Grŵp Mynediad Ynys Môn.**

## **11. CYNLLUN DATBLYGU HYFFORDDIANT I AELODAU – DATBLYGU HYFFORDDIANT AELODAU 2015-16**

Cyflwynwyd i'w ystyried – adroddiad y Pennaeth Gwasanaethau Democraidd yn ymgorffori'r Cynllun Datblygu Aelodau am 2015/16.

**Penderfynwyd mabwysiadu ac ymgymryd â'r Cynllun Hyfforddiant ar gyfer Aelodau fel y caiff ei nodi yn Atodiad 1 yr adroddiad.**

## **12. CADARNHAU'R PWYLLGORAU**

Cadarnhaodd y Cadeirydd ailbenodi'r strwythur Pwyllgorau fel y cyfeirir at hynny yn Adran 3.4 Cyfansoddiad y Cyngor, ynghyd â'r canlynol –

- Panel Tâl a Graddfeydd
- Panel Penodiadau'r Pwyllgor Safonau
- Cyngor Ymgynghorol Sefydlog ar Addysg Grefyddol
- Cyd-bwyllgor Anghenion Addysgol Arbennig
- Is-Bwyllgor Indemniadau

## **13. RHAGLEN CYFARFODYDD CYFFREDIN Y CYNGOR SIR**

Penderfynwyd cymeradwyo'r rhaglen ganlynol ar gyfer cyfarfodydd arferol y Cyngor Sir am y flwyddyn i ddod –

- 29 Medi, 2015 am 2:00 p.m.
- 9 Rhagfyr, 2015 am 2:00 p.m.
- 24 Chwefror, 2016 am 2:00 p.m.
- 12 Mai, 2016 am 2:00 p.m. (Cyfarfod Blynyddol)

**Y CYNGHORYDD JIM EVANS  
CADEIRYDD**